


Bibiliya y' Abana Ishikirije

Intango y'Umubabaro w'Umwana w'Umuntu



Yanditswe na: Edward Hughes

Amashusho ashirwamwo na: Byron Unger; Lazarus

Isobanurwa mu Kirundi na: Rémy Christian NTIRURIKURE

Itunganywa na: M. Maillot; Tammy S.

Inkuru 2 kuri 60

www.M1914.org

Bible for Children, PO Box 3, Winnipeg, MB R3C 2G1 Canada

Uburenganzira: Murafise uburenganzira bwo kwimura canke gusohora ku mpapuro iyi nkuru mugihe gusa mutayigurisha.

Ikirundi

Kirundi

IMANA YAREMYE VYOSE!

Igihe Imana yarema umuntu
wa mbere, Adamu, yabaye
mw'Ishamba rya
Edeni n'umugore
wiwe, Eva.



1

Bari bafise umunezero
wuzuye mu kubaha Imana
hamwe n'Ubwiza bwayo
gushika umusi umwe ...



2



"Mbega Imana yarababwiye kutarya ku biti vyose?" inzoka ibaza Eva. "Turashobora kurya ku vyamwa vyose kiretse kimwe," arishura. "Nitwarya canke tugakora kuri kirya camwa, tuzopfa." "Ntimuzopfa," inzoka iritwengera.

3




"Uzoca uhinduka nk'Imana." Eva yifuza ca camwa co kuri ca giti. Yumviriza ya nzoka aheza ararya ca camwa.

4




Inyuma y'aho Eva agararije Imana, aca ajana Adamu kurya ca camwa nawe. Adamu yari gutegerezwa kuvuga, "Oya! Singarariza Ijambo ry'Imana."

5




Igihe Adamu na Eva bamaze gukora icaha, bose uko ari babiri bamenya ko bari gusa.

6



Bafatanyaga amababi y'umusukoni bayikoramwo agahuzu, barifuka, barahaza baranyegera mu gisanze, bihisha ubwiza bw'Imana.

7




Mu kayaga ko ku mugoroba Imana iza mw'ishamba (rya Edeni). Yari izi ico Adamu na Eva bakoze. Adamu ashavurira Eva. Eva ashavurira inzoka. Imana ivuga, "inzoka iravumwe. Umugore azogira ububabare igihe avyara abana."

8

"Adamu, kubera ko wakoze icaha, isi iravumwe izokwama amahwa n'imigenge. Uzokora uruhe kandi ubire akuya kugira uronke ivyo urya ku musu ku musu."



9




Imana ikura Adamu na Eva muri rya shamba ry'igitangaza. Kubera ko bakoze icaha, baca batandukana n'Imana itanga ubugingo!

10



Imana irema inkota yaka umuriro kugira ibigizemo. Imana itegura impuzu mu nshato iha Adamu na Eva. Imana yakuye inshato hehe?

11



Muri icyo gihe, umuryango wari uvutse kuri Adamu na Eva. Umuhungu wabo wa mbere, Kayini, yabaye umurimyari. Umuhungu wabo wa kabiri, Abeli, aba umworozi.

12



Umusi umwe Kayini azanira Imana ivyimbirwa bimwe bimwe nk'ishikanwa. Abeli azana intama nziza zirengeye urugero nk'ingabirano ku Mana. Imana ihimbarwa n'ishikanwa rya Abeli.


13



Imana ntiyanezererewe ishikanwa rya Kayini. Kayini araha arashavura cane. Ariko Imana iravuga, "wokora ibigororotse, mbega ntiwokwemerwa?"

14

Ishavu rya Kayini ntiryamuvamwo. Haciye igihe, bari mu mirima, agwa kuri Abel araha aramwica!



15

Imana ibwira Kayini, "mweneso, Abeli, ari hehe?" "Sinzi," Kayini arabesha. "Mbega mbaye umwungere wa mwene data?" Imana ihana Kayini mu kumwaka ububasha bwo kurima, iraha iragenda imugira inyerezezi.



16

Kayini ava mu bwiza bw'UHORAHO. Yubakana n'umukobwa wa Adamu na Eva. Bagira umuryango. Mu gihe gito, abuzukuru n'abuzukuruza ba Kayini bakwira igisagara yatanguje.



17

Muri ako kanya, umuryango wa Adamu na Eva uragwira ningoga. Muri icyo misi, abantu babaho igihe kirekire gusumba muri ino misi.



18

Igihe umuhungu wiwe Seti yavuka, Eva aravugaga, "Imana yampaye Seti ngo asubirire Abeli." Seti yari umuntu yubaha Imana abaho imyaka 912 kandi avyara abana benshi.




19

Mw'isi, abantu bahinduka ibigaba nk'uko uruvyaro rwagenda rukurikira urundi.



20

Impera n'imperuka, Imana
ihitamwo guhonya umwana
w'umuntu hamwe ibikoko
n'inanyi vyose
hamwe.



21

Imana iricuza
icatumye irema umuntu.
Ariko umuntu umwe
yarahimbaye
Imana ...



22

Uyo muntu yari Nowa.
Umugabo yamuka kuri Seti,
Nowa yari umugororotsi
kandi ata gasembwa.
Yagendana
n'Imana.



23

Yarongera akigisha abahungu biwe
batatu kwumvira Imana. Ubwo
Imana itegura gukoresha Nowa
mu buryo bw'igitangaza
kandi budasanze!



24

Intango y'Umubabaro w'Umwana w'Umuntu
Inkuru ivuye mw'Ijambo ry'Imana, Bibiliya
tuyisanga muri
Itanguriro 3-6

"Guhishurirwa amajambo yawe kuzana umuco,
guha abatungu ubwenge." Zaburi 119:130

Imana irazi ko twakoze ibibi,
ivyoyita icaha. Igihano c, icaha ni urupfu.

Imana iradukunda cane yarungitse umwana wayo,
Yesu, gupfa ku musalaba hama ariha igihano cacu.
Yesu yasubiye kuba muzima hama asubira mw'ijuru.
Ubu rero Imana ishobora kudukurira ivyaha vyacu.

Ushaka kuva mu vyaha, bwira ibi Imana: Mana nziza,
Ndizera ko Yesu yapfuye ku bwanje ubu akaba ari
muzima. Rero ingo mu buzima bwanje uharire ivyaha
vyanje, kugira ubu ngire ubuzima bushasha, hama
nze mbane na we ibihe bidashira. Mfasha kubaho ku
bwawe nk'umwana wawe. Amen. Yohana 3:16

Soma bibiliya hama uvugane n'Imana iminsi yose.